

- Sic noli, clare pater, exiguum reprobare.
- 25 Inclita debetur tibi laus, nam vita videtur,
Moribus ornata, virtutibus irradiata.
Optima sanctorum renovans exempla priorum,
Perspicit in celis deus auctor munus Abelis ¹⁾.
Altius ascendit pax quę tua pectora tendit,
- 30 Te Noë constructor archę ²⁾ notat, es quia doctor.
Regnum terrenum transire docens quasi fenum,
In quo merguntur, qui falsis decipiuntur.
Fit tibi credulitas Abrahę ³⁾, cultus pietatis,
Recta spei probitas, Ysaac custos probitatis.
- 35 At Iacob pacis dux est et simplicitatis,
Tu legis lator es, tu populi mediator,
Regula iustorum vindex et virga malorum,
Unda maris ligno populo divisa maligno.
Mors es salvandis, spes ad bona cetera grandis,
- 40 Sic tu non dignis mala spondes, gaudia dignis.
Ab Iosue factis exemplis te cano tractis,
Nam signis veris ipsi similandus haberis.
Cedunt prorsus ei victi reges Chananei,
Terre mellite reddantur ut Israelite ⁴⁾.
- 45 Illi dilecte pater assimilabile recte,
Quam valet ipse parum contra te rex tenebrarum.
Urbs Iericho muris te formidat ruituris,
Israel inducis ad verę gaudia lucis.
Recta docendo sonas pia factis verba coronas,
- 50 In te cunctorum sit ut uno forma bonorum.
Nil verbo melius postremo carminis huius,
Incolomis dura nunc et per sæcla futura.
- Dat fidei meritum veniens in corpore verbum
Dans in carne fidem, fidei rem conferet idem.
- 55 Ubi Helena et Constantinus:
Credulitas horum firmat ius catholicorum.
- Super Titum et Timotheum:
Sursum collata reddunt bona multiplicata.

¹⁾ Vgl. Gen. 4, 4.

²⁾ Vgl. Gen. 6, 14, 22.

³⁾ Vgl. Rom. 4, 3; Gal. 3, 6.

⁴⁾ Vgl. Deut. 26, 9, 15; 31, 20.